

陀佛是為菩薩思惟具足成就諸佛現前三昧因此三昧得見佛故遂請問彼阿彌陀佛言世尊諸菩薩等成就何法而得生此佛剎中耶尔時阿彌陀佛語是菩薩言若人發心求生此者常當繫心正念相續阿彌陀佛便得生也既得生已世尊於是知彼心故亦即念彼彼方得見佛世尊耳賢護時彼阿彌陀如來應等正覺告彼人言諸善男子汝當正念精勤修習發廣大心必生此也賢護時彼菩薩復白阿彌陀佛言世尊是中云何念佛世尊精勤修習發廣大心得生此剎耶賢護時彼阿彌陀佛復告彼言諸善男子若汝今欲正念佛者當如是念今者阿彌陀如來應正覺明行足善逝世間解無上士調御丈夫天人師佛世尊具有如是三十二相八十隨形好身色光明如融金聚具足成就眾寶輦輦放大光明坐師子座沙門眾中說如斯法其所說者謂一切法本來不壞亦無壞者如

不壞色乃至不壞識等諸陰故又如不壞地乃至不壞風等諸大故又不壞色乃至不壞觸等諸入故又不壞梵乃至不壞一切世主等如是乃至不念彼如來亦不得彼如來彼作如是念如來已如是次第得空三昧善男子是名正念諸佛現前三昧也賢護尔時彼菩薩從三昧起已來詣汝所說此三昧相者汝時即應為彼說法隨順教化令於阿耨多羅三藐三菩提得不退轉

大方等大集賢護經卷第一

罪五

笈多

上其業反

門閻

下苦本反

猶狗

上茅苗二音

大方等大集賢護經卷第二

罪六

隋天竺三藏闍那崛多共笈多等譯

賢護分思惟品之餘

賢護我時則亦授彼佛記是人當來必得成佛号曰德光明如來應供等正覺乃至佛世尊賢護是中三昧誰當證知今我弟子摩訶

迦葉帝釋德菩薩善德天子及餘無量諸菩薩輩咸已修得此三昧者是爲證云何證所謂空三昧也賢護我念往昔有佛世尊名須波日時有一人行值曠野飢渴困苦遂即睡眠夢中具得諸種上妙美食食之既飽無復飢虛從是寤已還復飢渴是人因此即自思惟如是諸法皆空無實猶夢所見本自非真如是觀時悟無生忍得不退轉於阿耨多羅三藐三菩提如是賢護有諸菩薩若在家若出家聞有諸佛隨何方所即向彼方至心頂禮心中渴仰欲見彼佛故作如是專精思惟復應當觀如是色相亦即作彼虛空之想而彼成就虛空想已得住如是正思惟中住思惟已得見彼佛光明清徹如淨瑠璃其形端正如真金柱如是念者彼見如來亦復如是復次賢護譬如有人忽從本國至於他方雖在他方而常追憶本所生處曾如是見亦如是聞如是憶念如是了知又追憶故於睡夢中

明見自身在本生處遊從見聞如前所更是人後時向諸眷屬具論夢中所見之事我如是見我如是聞我如是營爲如是獲得如是賢護有諸菩薩若在家若出家若從他聞有佛世尊隨何方所即向彼方至心頂禮欲見彼佛正念不亂應念即見彼佛形像或如瑠璃或純金色亦復如是復次賢護譬如比丘修不淨觀見新死屍形色始變或青或黃或黑或赤或時胖脹或已爛壞膿血俱流蟲獸食噉肉盡骨白其色如珂如是乃至觀骨離散而彼骨散無所從來亦無所去惟心所作還見自心如如是賢護若諸菩薩欲得成就彼念諸佛現前三昧隨何方所先念欲見彼佛世尊隨所念處即見如來何以故因緣三昧得見如來得見彼佛有三因緣何者爲三者緣此三昧二者彼佛加持三者自善根熟具足如是三因緣故即得明見彼諸如來應供等正覺亦復如是復次賢護如人盛壯容

第六

二

貌端嚴欲觀已形美惡好醜即便取器盛彼清油或持淨水或取水精或執明鏡用是四物觀已面像善惡好醜顯現分明賢護於意云何彼所見像於此油水水精明鏡四處現時是為先有耶賢護答言不也曰是豈本無耶答言不也曰是為在內耶答言不也曰是豈在外耶答言不也世尊惟彼油水水精明鏡諸物清明無濁無滓其形在則彼像隨現而彼現像不從四物出亦非餘處來非自然有非人造作當知彼像無所從來亦無所去無生無滅無有住所時彼賢護如是答已佛言賢護如是如是如汝所說諸物清淨彼色明朗影像自現不用多功菩薩亦亦一心善思見諸如來見已即住住已問義解釋歡喜即復思惟今此佛者從何所來而我是身復從何出觀彼如來竟無來處及以去處我身亦亦本無出趣豈有轉還彼復應作如是思惟今此三界惟是心有何以故隨彼心念還自

見心今我從心見佛我心作佛我心是佛我心是如來我心是我身我心見佛心不知心心不見心心有想念則成生死心無想念即是涅槃諸法不真思想緣起所思既滅能想亦空賢護當知諸菩薩等因此三昧證大菩提大方等大集經賢護分三昧行品第二

三

爾時世尊復告賢護菩薩摩訶薩言賢護若諸菩薩摩訶薩具行四法則能得是現前三昧何等為四一者不壞信心二者不破精進三者智慧殊勝四者近善知識賢護是為菩薩具足四法則得成就現前三昧也賢護菩薩摩訶薩復有四法能具足行則得成就現前三昧何等為

三

前三昧何等為四一者乃至於利那時無眾生想二者於三月內不暫睡眠三者三月經行惟除便利四者若於食時布施以法不求名利無望報心賢護是為菩薩具足四法則得成就現前三昧也賢護菩薩摩訶薩復有四法能具足行則得成就現前三昧何等為

四一者勸他見佛二者教人聽法三者心無嫉妬四者勸他發菩提心賢護是為菩薩具足四法則得成就現前三昧也賢護菩薩摩訶薩復有四法成就三昧何等為四一者造佛形像勸行供養二者書寫是經令他讀誦三者慢法眾生教令發心四者護持正法令得

久住賢護是為菩薩具足四法則得成就現前三昧也尔時世尊為重明此義而說偈曰

汝等當住佛法中 勿藏正言及我法  
念勤精進除睡蓋 三月不坐惟經行  
食時廣設而施他 宣揚諸佛無比法  
不求名聞及利養 無所著故得此禪

莫生嫉妬及瞋恚 當思解脫諸欲心  
樂此三昧求住者 勤念無懈尔乃得  
金色百福莊嚴相 端正圓滿若華榮  
世間樂見光明體 常觀諸佛在現前  
往古諸佛及將來 現在一切人中勝  
汝等一心恭敬禮 亦常專念修供養

汝若供養彼諸佛 應以華香及塗香  
惠施美食起淨心 證此三昧殊非難  
諸佛塔前作眾樂 螺鼓鈺鐸諸妙音  
歡喜踊躍難稱量 必當成就此三昧  
勸造尊像無比身 彩畫莊嚴具足相  
金色光大無瑕垢 證此三昧良非難

罪六

各各常念修法施 淨持禁戒及多聞  
精勤勇猛除懈怠 得此三昧終不久  
不應他所懷毒心 亦捨世間諸欲事  
常以慈悲念一切 三昧豈遠在現前  
於法師所常隨喜 尊重恭敬等如來  
莫生輕慢與慳貪 喜心供養除嫉妬

無量諸佛共稱揚 汝但勤求自當得  
世尊鄭重演說斯 為修如是妙法故  
大方等大集經賢護分見佛品第三  
尔時世尊復告賢護菩薩言賢護若諸菩薩  
摩訶薩欲得成就此三昧者當應於彼說法  
師所生諸佛想起尊重心勿生憍慢乃至無



有諍競違逆不順心故然後於此勝三昧中精勤修學方能剋證賢護若人於彼說法法師所或比丘所起不善心苟違異心諍競之心故陵辱心諸不淨心乃至不生如諸佛想如是菩薩假令修行終不能證如是妙定若得證者無有是處賢護譬如清淨虛空無諸雲翳有明目人於靜夜時仰觀空中無量星宿區別方所形色各異了了分明如是賢護菩薩摩訶薩思惟觀彼法性虛空以想成故見諸如來其事若此然彼菩薩觀東方時多見諸佛多見百佛多見千佛多見百千佛多見億佛多見億百千佛多見億百千那由他佛罪六不假作意自然現前而彼菩薩應作如是觀東方已次觀南方及西北方四維上下十方世界各多見佛所謂多見百佛多見千佛多見百千佛多見億佛多見億百千佛多見億百千那由他佛不假功用皆現在前後次賢護如彼阿彌陀如來應供等正覺其世界中

諸菩薩等生彼國者於初一日觀察東方多見諸佛多見百佛乃至多見百千億那由他佛已然後於第二日觀察南方如是乃至十方事皆若此如是賢護若菩薩摩訶薩成就菩薩思惟諸佛現前三昧如是菩薩於自土中觀察十方多見諸佛多見百佛乃至多見百千億那由他諸佛也復次賢護如諸如來成就佛眼如是見已於一切處悉如是知悉如是見如是賢護若菩薩摩訶薩亦既成就菩薩思惟一切諸佛現前三昧已自然滿彼檀波羅蜜尸波羅蜜羣提波羅蜜毗梨耶波羅蜜禪波羅蜜般若波羅蜜乃至滿彼一切菩薩諸功德等尔時世尊為重明此義以偈頌曰  
猶如靜夜除雲霧 有明眼者仰觀空  
見彼眾星過百千 晝念明了亦無失  
菩薩如是得定已 多見無量億千佛  
復於起斯三昧後 還為大眾演最尊  
如我佛眼清淨故 無有障礙見世間

是諸佛子菩薩門  
出此三昧最勝觀  
以無相想思如來  
而見十方諸等覺  
破除惱毒及諸想  
汝聽菩薩妙功德  
若聽彼法清涼心  
能入空寂無畏處  
如我當今說斯法  
為令眾生證菩提  
如彼安樂諸菩薩  
多見無量佛世尊

菩薩如是入思惟  
亦見百千多調御  
如此比丘惟阿難  
一聞我說悉能受  
菩薩如是得三昧  
聽一切法能摠持  
成就信慙具三昧  
悉捨一切世語言  
常以慈心惠他說  
要當到斯寂靜地

大方等大集經賢護分正信品第四

罪六

六

光

尔時世尊復告賢護菩薩言賢護若諸菩薩  
摩訶薩為求如是三昧寶故當應勇猛發勤  
精進自然速能入此三昧也賢護譬如有入  
乘御大船入於大海恣意載滿眾妙珍寶已  
過一切諸大難處垂至此岸未幾之間船忽  
破壞眾寶沉沒當尔之時間浮提人發大叫

聲生大悲苦以失如是無價寶故賢護有善  
男子善女人亦復如是耳聞如斯勝三昧寶  
不能書寫讀誦受持復不能思惟如法而住  
賢護當知尔時一切世間諸天神等亦應如  
是發大叫呼生大悲惱作如是言是諸眾生  
深可憐愍云何於此諸佛世尊勝三昧寶一

切諸佛之所稱揚一切諸佛之所印可一切  
諸佛之所教誡一切諸佛最上功德具足成  
就圓滿無缺菩薩聞已當應勤求反更遠離  
不肯書寫不樂讀誦不能受持解釋義理不  
能思惟如法而住如是放逸懈怠眾生未來  
必當受大損減賢護何等名為眾生損減所  
謂於如是三昧寶中聞已遠離不能書寫讀  
誦受持不能解說思惟義理不如法住專念  
修行喪滅功德是為損減賢護是懈怠人惡  
眾生輩於斯法中得利益者無有是處復次  
賢護譬如有入持赤梅檀示愚癡人而彼癡  
人以愚癡故於赤檀香起臭穢想時主智人

罪六

七

光

賣檀香者告愚人曰汝今不應於妙梅檀生臭惡想何以故是檀最精香氣第一汝今何故反為臭惡若不信者應先嗅嘗為臭為香又汝眼明亦應以自觀察是檀光色文彩為瘦為肥為善為惡然彼愚者雖聞智人如是語言種種稱讚以愚癡故轉生憎惡以手捻鼻不用嗅聞掩閉其目不肯觀視如是賢護當來之世有惡比丘憎惡是經其事亦亦彼惡人輩不知修習身戒心慧愚癡無智猶如白羊頑駃很弊彼諸惡人又薄福故雖復得聞如是妙典正念諸佛現前三昧不用書寫不能讀誦不能受持不能思惟不能為人宣揚廣說又亦不能廣生隨喜云何能得如說修行若彼惡人能說行者無有是處又復聞已更興誹謗都無信心謂為真實雖聞多說終無開解復作是言若斯法者但為戲論故神異其事又為熾盛言教故過飾其詞誘誑世間造斯經典豈得方比聖者阿難諸比丘

輩現在世時宣說如是諸修多羅也又於異時發如是言此修多羅非佛所說是乃惡人自造文章妄言經耳賢護當知如斯惡人長夜遠離如是微妙無上大寶如彼癡人見妙香已掩眼塞鼻不用見聞如是賢護彼愚惡輩聞此妙經三昧寶已不欲書寫不樂讀誦不念受持不能宣說所謂無心親近不願聞故復次賢護譬如有人賣摩尼寶有愚癡人見彼寶已即便問言仁者斯寶其價云何寶主荅言汝今當知是寶精勝世間所無非可造次以世價論也吾今且說此寶功能威德力用粗為約耳卿若欲知此摩尼寶光明所照近遠若干卿今若須當以真金布滿斯地亦乃相與彼愚癡人聞是語已便大嗤笑種種皆毀是摩尼寶竟不酬價如是賢護彼未來世諸惡比丘聞此經中勝三昧寶無有信心多生嗤笑更興誹謗其事亦亦或有比丘信根深厚慧根明利已於過去諸如來所親

罪六

八

近承事聽聞正法如教修行種諸善根彼等聞此菩薩念佛現前三昧即能讀誦思惟義理爲人廣說能多利益一切世間所謂廣宣流布生大信心發大智慧成就純直具足威儀常行慙愧怖畏衆罪修持禁戒不受諸欲信甚深法能多受聞得深智忍常行慈悲然而斯等信根深固行是三昧得三昧已遊諸方國爲他廣說解釋義理常作是願今此菩薩念佛三昧甚深經典廣行流布常住於世或有衆生善根微薄福德少過去未曾親近諸佛供養承事聽聞正法但爲我慢所降嫉妬所導利養所覆名聞所牽廣行放逸不持戒善常樂亂心不修禪定遠離經教不求多聞未遇善師惟逢惡友斯人如是聞此三昧誹謗輕毀無一信心謂爲不實志性頑愚意無開解復作是言如斯經典非佛所說乃是世間鈍根比丘愚癡邪見自作文章嚴飾詞句若處衆中應如是說亦如是教汝諸衆

生當知今此修多羅典非佛所說如是癡人不知親近諸佛世尊不種善根不修供養習近惡友多作衆惡當知是人遠離無上深妙法寶永失無上最勝法利也佛告賢護吾復語汝我今現在一切世間梵魔沙門婆羅門及諸天人阿脩羅等諸大衆前宣說如是妙釋六三昧時若彼善男子善女人聞已隨喜讀誦受持念佛三昧思惟信解最以爲真發如是言是爲真實諸佛說者當知彼人所獲福聚不可思議賢護若復有諸善男子善女人持滿三千大千世界種種珍寶以用供養一切諸佛如來應供等正覺所得功德雖爲廣大然望持經所獲福聚百千萬分不及其一乃至更以無量無邊阿僧祇諸福德聚亦不及一也亦時世尊爲重明此義而說偈曰

邪曲愚惑人	放逸根不熟	惡友之所壞
無有正信心	破戒造衆罪	深著於我慢
彼各言此經	非是諸佛說	此諸修多羅



非是法王教 彼輩自意言 我何能說此

若見大調御 世尊放光明 我為彼宣說

彼亦能傳說 其或於此經 聞已生歡喜

斯人無疑網 不言非佛說 如有戒清淨

所見能了知 敬法起重心 我為此陳說

若以三千寶 持奉諸如來 為求大菩提

其福不可說 若有諸比丘 說佛所歎定

聞者生信心 此福過於彼

大方等大集經賢護分受持品第五

尔時世尊復告賢護菩薩言賢護此眾有人

求在我前親聞我說如是三昧於我滅後其

所生處還復得聞是三昧寶雖聞不信誹謗

毀皆遠離善友隨逐惡人賢護復有一人於

善人所聞是三昧深妙經典尚不生信不以

為寶不能開解况惡人處聞是經典寧能生

信而後開解何以故賢護諸佛如來所言難

信諸佛世尊智慧難知故賢護若當成就如

是三昧然後乃能於當來世與諸眾生長

佛法復次賢護有諸菩薩摩訶薩若在家若

出家聞此三昧不怖不驚不悔不退不謗不

毀聞以隨喜生信敬心決定真實無復疑網

讀誦受持思惟義趣賢護如是等人世尊悉

見悉知悉識也賢護諸佛世尊云何見斯諸

善男子及善女人復云何知又云何識賢護

若能讀誦受持思念此三昧門如是之人終

不為惡不破淨戒不壞正信不入邪聚賢護

是諸善男子善女人等必定深信成就思惟

能分別成就思惟於是法中具足信心常能

讀誦攝持是法賢護當知是人決不求少功

德亦不種少善根賢護是善男子善女人凡

所生處或乏資須然諸善根廣大不少賢護

是故斯諸善男子善女人已於過去諸如來

所修行供養種諸善根賢護當知此輩非於

一如來所修行供養種諸善根也亦非於二

三四五乃至十如來所種諸善根也亦非於

百千億數諸如來所種諸善根也賢護當知

此諸善男子善女人已於過百千數無量無邊諸如來所修行供養種諸善根方得聞此念佛現前三昧聞已生信心開意解即以爲實無復疑網既獲聞已樂欲書寫讀誦受持乃至爲他廣宣是義何以故賢護斯諸善男子善女人往昔已於諸如來前聞是三昧讀誦受持以是義故如來滅後於最末世五百年終法欲滅時法將壞時還當得聞如是三昧聞即生信無有驚疑不退不沒生大歡喜徧滿身心讀誦受持思惟其義爲他解說乃至一日一夜行是三昧賢護若復有人聞此三昧無有驚怖亦不退沒不生謗毀聞已隨釋喜即以爲實思惟分別心開意解但能爲他暫時稱善所獲福聚尚不可量况能讀誦受持勤思而行爲他廣說至一日夜賢護當知是善男子善女人因是事故即便獲得過於無量阿僧祇大功德聚遂得住於不退轉地隨所願欲如意即成賢護其事雖小我今爲

汝更宜譬喻明顯此義也復次賢護譬如有入取此三千大千世界一切大地盡末爲塵復取一切草木枝葉不問大小皆爲微塵彼人亦時於彼塵聚取一微塵破壞分析還令得作亦許微塵然後復取彼一切塵次第分析皆令等彼初微塵數賢護於意云何是微塵數可謂多不賢護答曰甚多世尊佛言賢護若有善男子善女人取前亦許微塵數佛刹盛滿衆寶持用布施賢護於意云何彼善男子善女人所獲福聚復爲多不賢護報曰甚多世尊然彼善男子善女人因是事故獲得過彼無量無邊阿僧祇福聚佛復告言賢護吾更語汝如彼善男子善女人以亦許塵數佛刹盛滿七寶持用布施獲如斯福復有善男子善女人聞此念佛現前三昧暫生隨喜信心分別以爲真實心開意解讀誦受持乃至暫時爲他解說其善男子善女人所獲功聚勝前施福無量無邊非可稱算非可校

計非可思量賢護如是善男子善女人聞此  
 三昧生隨喜心乃至暫時為他解說尚獲無  
 量無邊福聚何況是善男子善女人於此三  
 昧修多羅中如聞而信如信而受如受而說如  
 說而行也亦時世尊為重明所義以偈頌曰  
 若以三千大千界 盛滿土寶用行檀

我說彼福雖為多  
 菩薩為求多福聚  
 解說修行念三昧  
 未三千界盡為塵  
 盡取如是諸塵刹  
 諸佛所讚三昧經

釋六

我言斯人獲功德  
 若復為他具足說  
 思惟增廣諸善根  
 一切眾生盡作佛  
 假於億數多劫中  
 其間彼佛皆滅已

不如聞經小功德  
 信解讀誦復思惟  
 斯所獲福過於彼  
 復分一塵等前數  
 盛滿珍寶以行檀  
 單以一偈為他說

十二

九

超彼檀福不可量  
 下至一犂牛乳間  
 何況長遠無量福  
 淨慧終竟證彼如  
 說斯偈福不可盡  
 多億數劫常廣宣

終亦不盡彼福邊  
 一切所有諸世界  
 滿中眾寶持與他  
 彼諸功德難可量  
 其有聞受是三昧  
 若人於此無持疑

彼則永絕諸惡趣  
 彼若常能供養我  
 增長多聞證菩提  
 今我語汝誠實言  
 一心歡欣發勇猛  
 彼為供養百數佛

假於後世恐怖時  
 若有見我與比丘  
 如是菩薩樂多聞  
 若得聞此聖三昧  
 是陀羅尼世尊歎  
 若人善思此三昧

釋六

緣此深經四句偈  
 四方上下及四維  
 為求勝福奉諸佛  
 稱計與諸世界等  
 善能宣說福過前  
 其於諸法亦明了

能入勝寂三昧禪  
 必受多福不思議  
 由思諸佛所讚定  
 當念精進莫放逸  
 自然速證彼菩提  
 乃能受是三摩提

自當速證微妙定  
 及汝大士賢護等  
 決定當得此三昧  
 為他解釋或書寫  
 能證一切佛菩提  
 一切諸佛咸共稱

十三

當得種性及多聞 諸佛次第而演說

大方等大集經賢護分觀察品第六

尔時世尊復告賢護菩薩言賢護若諸菩薩摩訶薩即欲思惟此三昧者當云何思賢護彼諸菩薩欲思惟者即應當作如是思惟如我世尊今者現在天人衆中宣說法要賢護

菩薩如是一心思惟諸佛如來坐師子座宣說正法具足成就一切相好最妙最極殊持端嚴樂觀無厭如是觀察諸大人相於一一相應當至心即得明了見諸如來應等正覺既得見已當先諮問不見頂相既得問已然後次第遍觀諸相皆令明了如是觀已更復思惟諸佛如來衆相微妙是爲希有願我未來還得如是具足成就諸妙相身願我未來亦得如是清淨禁戒具足威儀願我未來亦得如是具足三昧願我未來亦得如是具足智慧願我未來亦得如是具足解脫願我未來亦得如是解脫知見願我未來成滿如是

諸相身已即得成就阿耨多羅三藐三菩提既成佛已亦當如是處彼天人大衆之中具足宣說如斯妙法菩薩如是具足觀察諸佛如來乃至成就一切種已復應更作如是思惟是中何者是我誰爲我所法誰能得成諸佛菩提爲身得耶爲心得耶若身得者是身

頑駭無覺無知猶如草木石壁鏡像然彼菩提無色無形非像非相不可見知不可觸證云何更以頑駭無知無見無識無所分別無作之身得彼菩提菩提如是既無形色非相非像不可見知不可觸證誰復於中而行證者若心得者是心無色不可得見是心無相不可得知此心如是同於幻化然彼菩提亦亦無色不可見無相不可知無漏無爲亦同幻化云何可證云何覺知而言身心得菩提耶彼菩薩摩訶薩如是觀時分明了了見是身相不得菩提亦知是心不得菩提何以故諸法無有以色證色以心證心故然彼於言



說中知一切法雖無色無形無相無漏無可  
親見無有證知亦非無諸何以故以一切諸  
如來身無有漏故又諸如來身無漏故心亦  
無漏又諸如來心無漏故色亦無漏

大方等大集賢護分卷第二

罪六十罪

腫脹上正降反珂苦何反滓側史反鉦鼓上音  
征似鈴而有柄雲翳計反為肥下房反頑駘下音  
以靜之鼓以動之佞弊反胡胡惡反惡此奈誘誑上音蚩笑  
措也粗才古反少淺反分析下先反擊取牛乳

大方等大集賢護經卷第三

罪七

隋天竺三藏闍那崛多共笈多等譯

賢護分觀察品之餘

又諸如來色無漏故受亦無漏乃至行識亦  
無漏又諸如來戒亦無漏所有三昧智慧亦  
無漏乃至解脫解脫知見亦無漏如是乃至

養

諸如來諸如來所有言說已說今說當說及  
一切法斯皆無漏也賢護諸如是等一切佛  
法智人能達愚者莫知彼若能作如是觀時  
一切諸法悉不可得云何不可得所謂誰能  
證也不可得云何證也亦不可得何緣證也  
亦不可得彼說能作是觀已如是入滅寂定  
分別諸法亦不分別諸法何以故諸法無故  
賢護如火未生或時有人發如是言我於今  
日先滅是火賢護於意云何彼人是語為誠  
實不賢護答言不也世尊佛告賢護如是諸  
法從本以來畢竟無得云何於今乃作斯說  
我能證知一切諸法我能了達一切諸法我  
能覺悟一切諸法我能度脫一切眾生於生  
死中此非正言所以者何彼法界中本無諸  
法亦無眾生云何言度但世諦中因緣度耳  
賢護於意云何彼如是說得為實不賢護答  
言不也世尊佛告賢護是故彼諸善男子善  
女人若欲成就無上菩提乃至欲成緣覺菩